

## შესაბამისობის დეკლარაცია

სს „პროკრედიტ ბანკი“ აცნობიერებს, რომ კონტრაქტორთან ერთობლივი მუშაობით, შესაძლებელია ორმხრივად პოზიტიური ზემოქმედება ეთიკურ, სოციალურ და ეკოლოგიურ მაჩვენებლებზე. ამიტომ, სს „პროკრედიტ ბანკი“ თავის კონტრაქტორებს მოუწოდებს, შეასრულონ ქვემოთ მოცემული მინიმალური სტანდარტები/პრინციპები, რათა, სოციალურ, ეკოლოგიურ და მმართველობით საკითხებთან დაკავშირებული ქმედებები საერთაშორისო პროკრედიტ ჯგუფის მაღალ სტანდარტებს შეესაბამებოდეს:

- კონტრაქტენტი/მიმწოდებელი იღებს ვალდებულებას, არ ჩაერთოს პროკრედიტ ბანკის „გამონაკლისების სიით“ გათვალისწინებულ რომელიმე საქმიანობაში. მხარე ადასტურებს, რომ გაეცნო ბანკის ინტერნეტ გვერდზე [www.procreditbank.ge](http://www.procreditbank.ge). განთავსებულ „აკრძალულ სოციალურ და ეკოლოგიურ საქმიანობათა ჩამონათვალს“ ეთანხმება, პრეტენზია არ გააჩნია და კისრულობს მათი შესრულების ვალდებულებას;
- კონტრაქტენტი/მიმწოდებელი ვალდებულია დაიცვას პროკრედიტ ჯგუფის ეთიკური ფასეულობები, იგი ადასტურებს, რომ არ მონაწილეობს ნებისმიერი ფორმით ფულის გათეთრებაში. „ფულის გათეთრება“ ნიშნავს:
  - (ა) ქონების კონვერსია ან გადაცემა, როდესაც პირმა იცის, რომ ეს ქონება მიღებულია დანაშაულებრივი ქმედების ან ასეთ ქმედებაში მონაწილეობის შედეგად, იმ მიზნით, რომ დაიფაროს ან შეინიღოს ქონების არაკანონიერი წარმომავლობა ან დახმარება გაეწიოს ძირითადი დანაშაულის ჩადენაში ჩარეულ ნებისმიერ პირს მისი ქმედების იურიდიული შედეგების თავიდან აცილებაში;
  - (ბ) ქონების ნამდვილი ბუნების, წყაროს, ადგილმდებარეობის, განკარგვის, გადაადგილების, მასზე ან მის ფლობაზე უფლებების დამალვა, როდესაც შესაბამისმა პირმა იცის, რომ ასეთი ქონება მიღებულია დანაშაულებრივი ქმედების ან ასეთ ქმედებაში მონაწილეობის შედეგად;
  - (გ) ქონების შექცევა, ფლობა ან გამოყენება, როდესაც პირმა ქონების მიღების დროს იცის, რომ ქონება მიღებულია დანაშაულებრივი ქმედების ან ასეთ ქმედებაში მონაწილეობის შედეგად; ან
  - (დ) ამ მუხლის შესაბამისად განსაზღვრული ნებისმიერი დანაშაულის ჩადენაში მონაწილეობის მიღება, ჩადენისთვის ჯგუფში გაერთიანება ან კონსპირაცია, ჩადენის მცდელობა ან ჩადენაში დახმარება, ნაქცეზება, ხელის შეწყობა და რჩევების მიცემა.მხარე ადასტურებს, რომ გაეცნო ბანკის ინტერნეტ გვერდზე [www.procreditbank.ge](http://www.procreditbank.ge). განთავსებულ „ქცევის კოდექსს“ ეთანხმება, პრეტენზია არ გააჩნია და კისრულობს შესრულების ვალდებულებას;
- სს „პროკრედიტ ბანკისთვის“ მიუღებელია მოსყიდვის ან კორუფციის პრაქტიკა, რაც გულისხმობს: ა) მხარის მიერ ნებისმიერი ღირებულ ნივთის შეთავაზებას, მიცემას, მიღებას ან მოთხოვნას, პირდაპირ ან არაპირდაპირ, სხვა მხარის ქმედებებზე არასათანადო გავლენის მოხდენის მიზნით; ბ) ნებისმიერი ქმედებას ან გადაცდომას, მათ შორის ფაქტების დამახინჯებას, რამაც შეიძლება შეგნებულად ან დაუფიქრებლად შეცდომაში შეიყვანოს მხარე, ფინანსური ან სხვა სარგებლის მიღების ან ვალდებულების

თავიდან აცილების მიზნით; გ) მხარისთვის, ან მხარის ქონებისთვის ზიანის მიყენებას, ან ვნების ან ზიანის მიყენების საფრთხის დადგომას პირდაპირი ან არაპირდაპირი გზით, მხარის ქმედებებზე არაჯეროვანი ან/და არათანაბარი ზემოქმედების მოხდენის მიზნით; მხარე აცხადებს თანხმობას და ანიჭებს ბანკს უპირობო და გამოუთხოვად უფლებას იმის შესახებ, რომ ბანკს გააჩნდეს გონივრული წვდომის უფლება, ნებისმიერი მესამე პირისგან, სახელმწიფო და არასახელმწიფო ორგანიზაციისგან, ფიზიკური და იურიდიული პირისგან მოითხოვოს და მიიღოს ნებისმიერი სახის ინფორმაცია, დოკუმენტი, თანხმობა, და ა. შ. რაც აუცილებელი იქნება წინამდებარე მოთხოვნების შესასრულებლად/დასაკმაყოფილებლად. აღნიშნული მიზნებისთვის, ბანკი უფლებამოსილია მოითხოვოს და მიიღოს მხარისგან ნებისმიერი სახის/გონივრული ინფორმაცია, დოკუმენტი; ამრიგად, საქმიანი ურთიერთობა არ შეიძლება ჩამოყალიბდეს ან გაგრძელდეს, თუ ცნობილი გახდა, რომ მხარე ჩართულია კორუფციაში ან/და თაღლითობაში;

- სს „პროკრედიტ ბანკი“ იცავს ადამიანის უფლებათა საყოველთაო დეკლარაციას (1948 წ.) და იგივეს მოითხოვს/მოუწოდებს თავის კონტრაქტს/მიმწოდებელს;
- კონტრაქტი/მიმწოდებელი ვალდებულია უზრუნველყოს HSSE-სთან დაკავშირებული ყველა შესაბამისი კანონისა და წესის შესრულება;
- კონტრაქტი/მიმწოდებელი ადასტურებს, რომ რამდენადაც მისთვის ცნობილია და როგორც სათანადო გამოკვლევის შედეგებიდან ჩანს, ის იცავს და მომავალშიც დაიცავს საქართველოში მოქმედ ეკოლოგიურ, ჯანდაცვისა და შრომის უსაფრთხოების ყველა ნორმას (ამასთან, შესაძლებელია ბანკის გარემოსდაცვით კოორდინატორთან კონსულტაციის გავლა გარემოსდაცვით რეგულაციებთან დაკავშირებით, სახელმძღვანელო მითითებების მიღებისა და ორიენტირების მიზნით);
- მხარეები ვალდებულნი არიან დაიცვან და ზედმიწევნით შეასრულონ ამ პუნქტებით განსაზღვრული სტანდარტები;
- მხარეები აცნობიერებენ და თანხმდებიან, რომ ბანკი ხელშეკრულებას დებს მხარის განცხადებებზე და გაცემულ გარანტიებზე დაყრდნობით და იმ პირობით, რომ მხარე შეასრულებს ყველა სტანდარტს/პირობას ჯეროვნად. შესაბამისად, აღნიშნული განცხადებების, გარანტიებისა და ზოგადად, ამ პუნქტებით განსაზღვრული სტანდარტების სერიოზული ან/და მუდმივი დარღვევა საკმარისი საფუძველია ბანკის მიერ მხარესთან გაფორმებული ხელშეკრულებით გათვალისწინებულ თანამშრომლობაზე, ცალმხრივ და უაქცეპტო უარის სათქმელად.